

四庫全書

集部

欽定四庫全書

芸庵類藁卷四

宋 李洪 撰

七言律詩

叔賜迎侍以詩餞之且趣其來

折檻雲孫擅後聲  
暫棲蓮幕不談兵  
論詩更欲壓競病  
痛飲何須分濁清  
東閣梅殘縈旅夢  
北堂萱茂動歸情  
重來肯放韶光晚  
叱馭加鞭莫計程

僧惠白蓮

避暑追涼蔭碧蘿清池咫尺阻經過眼前喜見芬陀利  
鼻觀重參乾闥婆綽約漢宮黃傳額依稀洛浦韞凌波  
遠公自結廬山社一笑拈花意若何

拄頰看山暑頓空修眉橫嶂障晴空太真姊妹溫泉浴  
竇氏兒郎丹桂風古驛荒涼征騎速里居好事古人同  
明年更有秋風便淡墨聯名冠法宮

寒食懷西湖去歲遊從

去年寒食醉西湖山色空濛暮有無風急落花隨步積

雨昏垂柳要人扶，偶携勝友尋泉石。  
俱有新詩入畫圖，越絕故人應念我。  
明年春好會皇都。

和叔賜對榴花

安石榴開夏已深，動人絳萼綠成陰。  
色空喻火宜知戒，伐性如斤莫浪侵。  
半吐戲巾傳麗曲，同尋雙葉寓歡心。  
老來體物辜詩興，種種霜顛玳簪。

送子都兄赴建康糧料三首

三年待次喜瓜期，別酒春風勸一卮。  
欲試發硎稽古力，

稍從連茹中興時徒勞人耳猶州縣可識荆弓復別離  
深念對床聽夜雨情懷作惡不成詩

留都萬雉最繁雄人物風流古所同玉樹玉笙亡國恨  
桃根桃葉劫灰空重新觀闕青冥外依舊山川王氣中  
好把清吟追太白龍蟠虎踞笑江東

霸業衣冠事莫論秦淮潮汐自潺湲新詩必有江山助  
故國應無喬木存宅施雞園鍾阜遠塔藏烏瓜道林尊  
登臨懷古情何限想對三茅憶弟昆

伯封同遊雪上事畢遽索別次韻

同來我復似鄒遊  
新詠君應勝杜秋  
已飫蒸葫汝南饌  
盍為麤糲浣花樽  
且醉菖蒲酒  
去棹聊停杜若洲  
不厭村居能少駐  
蘭香萬斛頓銷愁

春晚疾後臨眺

遊絲橫路網  
春暉落絮飄  
揚未肯歸  
綠滿郊園  
梅子熟  
畫長庭院  
燕雛飛  
登臨供賦  
山分繡  
扶病經時  
帶減圍  
更向江天  
買魚具  
輕蓑絕勝  
芰荷衣

次韻陸子望欲假家集

先子詞科蚤擅場中興首擢紫微郎湧泉制冊留綸閣  
砭世膏肓有皂囊北斗仰之千古事泰山所集一毫芒  
楹書拂拭增悲慟追誦龍蛇感卒章

陪朱德應泛舟

乘興揚舲意未窮俊遊真有古人風朱陳親契當年少  
李郭仙舟此日同山色遠看空翠裏笑聲高徹水雲中  
賢關求士方虛席得雋行聞冀北空

聞季叔被召小詩為迓

郢人比屋慶循良  
忽捧絲綸雨露香  
騎竹方迎使君馬  
賜環已趣舍人裝  
好刊棠杖追嘉頌  
應有陽春播樂章  
歸侍玉皇香案側  
願將五色補垂裳

簡月閣黎

吏隱他年並海濱  
倦游悔現宰官身  
誰知西子湖邊寺  
重見東林社裏人  
堆案楞伽三昧勝  
談經優鉢一花新  
老來無復論詩樂  
政欲相從寂寞濱



送野上人遊西山

詩名翰墨獨兼全  
海上從游十許年  
進退兩忘中有德  
律禪不礙任隨緣  
岫雲又作無心出  
桃塢何勞一笑妍  
好把經行寫新詠  
他時寄我小山篇

贈妙源

上人輟講卧禪庵  
萬論千經思盡覃  
未與釋迦分半座  
只應彌勒且同龕  
兔甌潑乳清塵慮  
柄揮犀發妙談  
我亦乘閒聊問道  
安能遺世學瞿曇

送薦福恩老

二老相從寂寞濱往來藜杖特情親  
白頭廬阜閒司馬杜口毗耶彼上人  
知見普薰金斗域伽陀語別雪溪瀕  
紅梅已露西來意要省全提祖令新

送隨公

蓮社談經閱幾年住山活計儘隨緣  
銜花百鳥未忘物露地白牛誰着鞭  
得計深居食老栢勿疑古澗與寒泉  
他時要伴芸庵隱竿木逢場不離禪

贈思溪覺悟寺淨因師

思溪渺渺泛蘭舟，棹棹臨津得自由。  
蓮社不知三伏熱，竹林獨占一庭秋。  
蒲葵喜接高人語，茗盃能消旅客愁。  
所恨塵緣驅逐去，漫留名姓記曾游。

贈法傳

梅檀林下老支郎，偶汎溪邊般若航。  
齋鉢分搏香積飯，午窓對卧淨名牀。  
雲山宴坐千春木，庵名靈椿塵境難留三  
宿桑。欲結他年蓮社友，空門氣味覺優長。

宿天寧示懷老

又扶殘醉渡溪橋  
飲散南園夜寂寥  
炬火照山疑犯斗  
松風動地欲平潮  
觀河自嘆塵容老  
就日那能鬢雪消  
煨芋擁鑪談妙道  
階梯佛祖直須超

和子召見寄

獨泛滄浪一釣舟  
未償尋壑與經邱  
霜清巨怯吳江冷  
酒賤難從越女留  
遊鹿臺荒人既往  
採香逕遠宿須投  
客遊空羨齊雲勝  
韋負韋黃詩酒州

和尚善韻

出郭尋幽興自長  
叢林梅子未全黃  
問禪欲契風幡話  
宴坐聊參知見香  
觸念未通成繫掣  
安心無法是還鄉  
却憐石岵送迎處  
潮落潮生有底忙

再用韻

風冒遊絲百尺長  
蜂房釀蜜露微黃  
翠榕一半委陳葉  
紫奈十分留暗香  
盧橘帶酸歸老圃  
側生未熟去閩鄉  
浮雲出岫初無戀  
靜看卷舒何太忙

和仲信留別韻

歲首相逢四序遷  
風餐雪虐忽週年  
少而慕蘭心何壯  
老矣依劉誰復憐  
邂逅難陪十日飲  
分攜却上五湖船  
雪梅可折還相送  
目斷離雲思黯然

送趙德莊右司江東漕二首

帝胄英英秀本支  
名駒千里衆難晞  
馳聲小選衣冠地  
振職中臺政事機  
禮樂光華持節寵  
綸恩獻納賜環歸  
朝廷俊傑如公少  
準擬重來伴紫微

宰士雍容望最優，便期簪筆侍凝旒。  
暫勞省戶彌綸手，稍緩關中饋餉憂。  
寓直文謨高內閣，褰帷仁政被南州。  
龍蟠虎踞登臨勝，天險防邊得細籌。

伯封書中叙去歲七夕之樂因寄

去年此夜對芳樽，今日栖栖歎失羣。  
茅屋只餘燈伴我，酒爐應有月尋君。  
愁將從事青州去，風共禪師白足分。  
料想紫梅溪上客，也應回首一省雲。

送仲彌性赴蘄水

中興岳牧任詞人分虎初班楚澤春四紀才名文價重  
一麾江海壘書新眷深丹宸虛前席祖意黃梅試問津  
報政寧需外庸訖適歸清禁掌絲綸

午日寓圓果院苦河魚以詩紀節

老來百事與心違節物殊非少壯時細葛宮中曾被賜  
揚梅粽裏未容窺浪求醫國三年父空弔沉湘五色絲  
蕭寺更同摩詰病玉堂帖子要新詩

送滕彥道赴浙東參議



輟目鵷行第一流笑譚幕府卧青油蘭亭陳迹猶堪賦  
禹穴奇書尚可求丞相開藩多暇日省郎為介借前籌  
獨憐無用溝中斷深羨千巖萬壑遊

陳丞相誕日

鳳紀千齡遇聖君扶持宗社不無人欣聞東魯真儒相  
本是中興舊學臣玉燕投懷文冠世天麟呈瑞壽嘉辰  
中書更倍汾陽考宰枋重歸轉大鈞

壺山和氣儷神松間世鍾賢應尹躬小試經綸安鼎鼎

更恢韜畧靖華戎力陳致主千秋鑑夢協遐年八十公  
不用安期覓瓜棗蓬萊清淺照方瞳

蟬冕金貂侍帝廷格天勲業不譚兵曾聞揚綰無榮利  
果見周公致太平畫錦歸來安綠野宣麻重起繫蒼生  
民歌有袞巖瞻切要使輿圖復兩京

兩兩台符逼斗魁就盈彌月早春回細斟靜治曹參酒  
重放和羹傳說梅山立時行錫難老鸞停鵲時喜多才  
千鍾未足為公壽盡挹滄江入壽杯

袞繡于蕃鎮九僊香凝森戟靄非煙願同吉甫頌申伯  
請繼東坡壽樂全銅狄摩娑五百歲蟠桃花實一千年  
蚤窺東閣觀奇士再入陶鎔豈偶然

送子南兄參選

我李柯條世有人如兄器業自超倫豈容被褐常懷寶  
好上煙霄早致身天氣未佳欲寒食朝廷有道政青春  
觀光勿作遲遲去桂玉何勞嘆楚薪

雨寒

昏昏海氣助朝寒風雨蕭蕭盡日間  
室似陳蕃塵不掃  
門如陶令畫常闕惟憑茗盃消磨睡  
更把詩筒斷送閒  
悄悄絕無車馬至方知顏卷似深山

至東林謁回仙人像

罨畫溪山杳靄中為尋遺事訪禪宮  
回品故迹依然在  
渭水非熊恍似空綠薜侵衣餘手澤  
遺榴輝壁想仙風  
溪邊東老家何處尚有孫初話乃翁

次韻曾仲躬初入鴈蕩

阡陌經行早布春承明天語耳親聞詩情本自凌康樂  
墨妙何勞法右軍雪後西岑山競秀潮來孤嶼浪中分  
諼堂扁榜名仁壽鴈序娛親羨使君

池水久涸雨後生蓮偶作

遶郭荷花泛畫船枯池忽見葉田田艱生頗似石間柏  
罕喻真成陸地蓮要看露香明菡萏不辭汲水弄漪漣  
況逢小雨臨清曉已見瓊珠碎又圓

次韻林子長巖桂

涼入千巖趣更幽  
廣寒月府恍神遊  
斷崖流水韻清古  
冷雨淒風聲凜秋  
要補離騷衙宋玉  
豈期仙袂挹浮邱  
却思勝集湖邊寺  
擷芳枝鎮日留

賦承廳連理木

老槐鉅竹儼牆陰  
斯立詩情冠古今  
連理並柯真創見  
澡身浴德信同心  
蟬吟永夜傳清韻  
鶴唳中宵和好音  
不日除書下丹禁  
瑞圖頻展錦窠深

赤目

元晏先生病久妨經旬未省下禪床瞿曇善說空華喻  
張湛新傳損讀方對客不須分眼白愛官寧復羨腰黃  
會逢妙解金篦術漸恐封疆限醉鄉

再賦簡李尉

滿院秋英獨傲霜恨無醇酒變春江門前催取麻姑槓  
席上驚傾道士缸學蹈丘軻難合俗詩如曹鄴不成邦  
埋藏自比豐城劍射斗難占紫氣雙

子都兄寄子濟兄詩借韻奉寄

絨題千里候寒暄  
悵悵郊荆獨我班  
目斷檣烏五兩遠  
書憑河鯉一雙還  
金陵風月供吟嘯  
鍾阜烟蘿想縱攀  
盡把錦囊新詠句  
小胥抄寄勿令慳

子都錄示近作成白體一首奉寄

別日江梅半透春  
梨花開後獨愁人  
欲將芳草萋萋恨  
寄向滄江六六鱗  
兩處吟當看雪夜  
數篇抄值落花晨  
未輸謝客池塘夢  
千里賡酬句要新

寄沈時仲



故人為別又經年幾度臨風思黯然赤縣暫陪珠履客  
青衫空負小山篇壯時之武無能用老矣揚雄只守玄  
何日西湖追舊約淡煙疎雨泛湖船

論交肺腑獨深知手札勤渠慰我思郭泰墊巾頻念舊  
休文減帶最能詩常懷勝集無三友坐想高談彼一時  
明月扁舟過苕霅頻汀重理釣魚絲

次韻子詠弟見寄

春殘逆旅賦歸歎挂玉囊空欲趁虛懶效梁鴻五噫曲

未逢黃石一編書刺漫屢邁門行馬志拙寧堪鼎拄車  
數畝荒田臨雪水好披龍具去携鋤

次韻陸元量見寄

醉別壺中太乙天寥寥雲海已經年倦游復索長安米  
壯志寧求負郭田一歲九遷看布武千巖萬壑莫留連  
同時僚舊重相遇幸有蓬瀛列二僊

奉寄子濟兄

一紙平安附驛筒打門三印啓斜封讒言勿辯謾分罪

舊隱猶存菊與松  
宜有文章傳李漢  
當今人物少南容  
扁舟遠踐龍池約  
共聽潺湲遶碧峯

次韻子都兄見寄

栖栖異縣歎飄蓬  
暫釋牢愁頌酒功  
失馬忽悲居塞上  
卧龍有待起隆中  
匪躬直道寧憂辱  
巧舌如簧固易窮  
況有知音居鼎鉉  
豈隨笠澤著書叢

五色徒誇補袞工  
百年痴作蠹書蟲  
塵纓鰲貌慙衰相  
窾木號風逼歲窮  
酌酒漫為蛇畫足  
覆蕉今悟鹿成空

江村且索梅花笑獨有幽人影伴紅

冬至前

隱居慵出人嫌癖樂靜安閒祇自憐  
意眼白駒催短晷案頭黃卷遣長年  
南枝春信應先透北陸寒凝勢更堅  
地下一陽何日復千林枯木已欣然

至後二日至東禪

至後陽和已發生野梅官柳動詩情  
偶為尋壑經邱計故作穿雲渡水行  
近郭好山皆可隱隔林疎磬有餘清

他時粗免微官縛歸去深謀谷口耕

殿西僧慧昌小軒

小池綠淨數游魚高柳蟬嘶暑氣虛露臉清直雙菡萏  
風標閒雅一春鋤囊中時矚君臣藥肘後新抄和扁書  
只此便為安穩處何須林下與山居

余寓王園適當春殘尚有小桃臨水追想昔時  
繁麗無復存者借仲信桃花韻

兔葵搖曳雨濛濛尚有夭桃出舊叢輕薄不禁三月浪

飄零常恨五更風燕泥亂啄粘香蕊  
漁艇猶疑趁落紅  
惆悵眼前興廢事  
靈雲今已悟真空

送客乘騾足跛口占示同行

欲趁江頭送客風  
蹇騾難強逐驕驄  
漫誇歷塊過燕市  
自笑乘船似越儂  
從此上車慙著作  
肯令折臂老新豐  
釣車魚具平生樂  
得失真宜付塞翁

子清弟冒暑見過

瓢飲今希陋  
蒼顏忽聞佳客歎  
柴關風生荷芡青  
蘋末

詩寄煙波疊翠間伏握常懷千里志在原相望幾人閒  
新筍紅友明朝熟肯放扁舟取次還

劉子履見懷小橋竹籬屢入夢寐因寄

寂寞荒郊野水濱竹籬茅舍舊比鄰誰知綉斧文章伯  
尚念漁蓑潦倒人采菊佩萸思共賞落霞孤鶩興尤新  
關中小試鄮侯績却掌絲綸侍帝宸

九日奉懷子濟兄

霜天寥落鴈行孤九日還能行樂無料想山風吹醉帽

也應溪女解携壺賞心樂事今難偶弟勸兄酬歎莫俱  
籬下黃花應笑我獨哦短韻省茱萸

寄子都兄兼呈上饒使君趙有翼

十驛征塗雪塞川玉溪乍到意醒然家聲盍繼舍人樣  
臺治遙分刺史天感慨壯遊詞絢錦笑談登最地流錢  
邦侯儻記論交舊應有新詩寄日邊

橘

皇樹擅芳傳楚頌厥包錫貢紀荆揚踰淮易質從為枳



書尾重題未降霜四老何須隱商嶺千奴誰為種龍陽  
遙憐陸績懷嘉實歸奉慈顏滿袖香

次韻子都兄鮑庵芍藥

春歸鶯老禁無音天為紅芳著意深姝色自應傾一國  
多情向惜費千金如迎如舞綠風折不淡不深愁雨侵  
宜與花王為輔佐欲傳彩筆繼高吟

國香淪落在天涯常畏人知使護遮雅韻曾翻西掖砌  
佳名宜亞子亭花野僧好事勤栽植北客思鄉倍歎嗟

安得花前還醉倒可憐不屬五侯家

中春二十七日車駕躬請太上皇帝出郊獲觀

盛事次大監叔韻

禁籞芳菲歲又新兩宮行樂及良辰  
雙瞻黃繖天回笑並御花驄雨灑塵  
漢殿捧卮稱萬壽萱天張樂和千人  
歡聲試採康衢詠帝力熙熙物自春

擬和御製郊祀詩

郊裡饗帝就圜丘誠格蒼穹靈既留  
夜陟紫壇聽馭下

天臨黃道喬雲浮槐林雙闕恩方渙禾黍三登歲有秋  
幸覩賡歌千載遇慙無銀筆贊洪猷

又

聖代彌文考九丘寅威郊見故遲留黃琮蒼玉神娛燕  
月璧星珠瑞應浮禮洽漢山呼萬歲事殊唐鑑獻千秋  
侍臣誰薦揚雄賦豈使甘泉播令猷

六龍駐蹕溫州先公職列西掖扈從至此手澤  
具載一時之事三十三年嗣子洪守官於此因

成感事詩

從龍浴日仰光輝  
萬里鯨濤扈六飛  
晉國曾聞四蛇宇  
周家親覩一戎衣  
東巡王氣隨天仗  
西狩麟經在紫微  
江海孤臣孝忠志  
大恩未報重歔歔

雨中過幽居寺

柳眼青蔥桃萼紅  
東皇試手放春功  
峰巒直直孤雲聳  
澗壑涓涓細水通  
出谷抗塵身已去  
登高能賦思無窮  
驅車更過幽居寺  
暫聽猿吟杳靄中

次韻施少路春日

拂面和風喜及辰  
宮幡未賜岸烏巾  
冰消水灤簫韶韻  
雪過湖濤篴若春  
詩律自憐心尚在  
宦情難與世趨新  
從茲排比尋芳計  
況是湖山舊主人

少路舊尉錢塘

萬壽觀重萼梅

天街倦踏軟紅塵  
喜見宮梅漏泄春  
千葉剪瓊多態度  
九英照日倍精神  
香清暗馥維摩榻  
韻勝全疑姑射人  
好是孤山臨水看  
廣平能與賦清新

會稽偶作二首

去年行遍浙東山，越絕重來豈偶然。  
秦望雲深縈客恨，鏡湖月白結詩緣。  
鷓鴣處處啼篁竹，舴艋家家泛釣船。  
行役自應多感慨，故山如許好風煙。

西陵渡口望吳山，獨策羸驂興惘然。  
竹樹幽深皆可老，江山信美祇隨緣。  
知章得請千秋觀，太白狂歌一酒船。  
更擬遲留探禹穴，梅梁風雨暗雲煙。

垂虹亭

十年滄海慣騎鯨  
秋入垂虹豁眼明  
雲氣蓬萊底難到  
洞天林屋沒多程  
漁歌三唱客愁破  
鴈字一行秋影橫  
他日若能追魯望  
釣車魚具送餘生

贈李守

宗衮英名壓搢紳  
傳家濟美不無人  
採詩于爲承親擢  
樂職中和著牧民  
鳳入潁川宜卜相  
梅開東閣趣班春  
九重側席求奇士  
尺一行頒覲紫宸

朱叔賜來自都城  
云梅已放因思每  
歲飲賞之

樂

曾酌孤山園裏梅至今魂夢憶花開纖腰冷逼江煙瘦  
素臉全疑曉雪催南國相逢心悵惘西湖遥想月徘徊  
惜無妙語酬佳麗賴有詩仙鳳闕來

尚善喜雨用元夕韻

軟紅塵土沒東華未若為農樂巨涯耕隴一犁欣已足  
生春六夜喜非賒頓回繭館柔桑綠漸落峒山細麥花  
惟覺空階聽更爽齋居無睡轉河車



喜雨用知宗韻呈陳丞相

旱意初憂病圃場霈然甘澤起羸疴  
穹蒼既格由孚信  
德教從來本抑強再熟言觀競蔗蓂千倉行見詠豐穰  
帝虛左揆思良弼霖雨重期澤萬方

至日宿藍田驛感舊

至日天涯感慨同曾陪鴛鴦大明宮催班別殿春雷繞  
駐輦蓬萊曉日紅聳聽鳴鞘馳魏闕歡傳放仗醉新豐  
誰知獨木荒村裏扇影爐煙入夢中

奉簡潘師原澄江使君

話別都門歲再除  
歸田猶復帶經鋤  
春朝結佩同迎駕  
夜雪寒窓並直廬  
東閣何堪薛宣吏  
長安久絕子公書  
故人江上新開府  
一笑樽前氣少舒

和王侍郎中春即事

溪頭飛絮白  
瓊鋪五馬班  
春計不踈泛  
宅浮家行樂勝  
浪花雲葉賦  
詩餘競傳畫  
戟凝香什  
莫望高軒  
織翠裾  
碧落承明公  
厭直水晶宮  
闕更誰如

清明自釋

異鄉節物又清明  
懶復追遊年少行  
愁慘松楸十年淚  
雨昏花絮數聲鶯  
高紅遠綠俱無那  
客恨春風兩不平  
強課新詩作寒食  
不堪重憶故園錫

望孤嶼

縹緲風煙島嶼孤  
朱樓丹閣欲凌虛  
浩然逸興成陳迹  
康樂清吟足起予  
鰲頂蓬萊無鴈塔  
龍宮蠖虺擁宸居  
平生李杜空遐想  
我欲投竿學釣魚

漫成

能安寂寞興何長  
自覺無機稱坐忘  
一漑成功心尚在  
五禽為戲學無方  
病來乍怯衣裳袂  
秋至新嘗橘柚香  
欲識道人真靜處  
南華一卷是醫王





欽定四庫全書

集部

芸庵類藁卷五

六

詳校官庶吉士臣何道沖

主事<sub>臣</sub>呂雲棟覆勘

謄錄監生<sub>臣</sub>董誠

謄錄監生<sub>臣</sub>王人作

欽定四庫全書

芸庵類藁卷五

宋 李洪 撰

五言絕句

過分水嶺

江南山盡處兩山如石門溪流湍激雪殘日雨猶存

回文

病卧愁花落春深怨夜長鏡明羞短髮窻淨惜殘香

六言絕句

題慈感寺極目軒

紅芰敷腴獻笑青山偃蹇橫陳身在水晶宮裏須信義  
皇上人

寺枕苔溪一曲僧依城郭千家客至未嘗芡背我來怡  
及荷花

塵眼登臨清曠水心樓閣崢嶸欲見普門大士菰蒲影  
裏鐘聲

范至能遊靈石錄示詩仙留題云



南塢數回泉石西風幾疊烟雲登攜孰與為侶顏禹李  
甲蕭筠

鼎峙傲睨絕景揮毫想見凌雲落落真筌玉子步虛寧  
作吳筠

勝槩風生步武山靈景從歸雲塵世欲尋蹤馭藤陰萬  
箇蒼筠

雨後泉淙水樂詩成目送孤雲寄興西湖南北忘年丘  
壑松筠

戲題

世事悠悠豈盡人生汲汲多端陶令欲歌歸去貢公何  
事彈冠

多病閉門懶出避喧終日高眠惟可以君命竹安能以  
兄事錢

七言絕句

登瀟灑亭

文正風流尚典刑桐江畫戟見詩人丹青難寫真瀟灑

圓嶠方壺此逼真

殘春偶作

溪邊且種剌史柳園裏未栽懷縣花若有故人來問字  
浮圖西畔綠陰斜

閒裏光陰趣漸長下簾深護一鑪香遊心華藏衆香國  
絕勝爭名翰墨場

周堯夫示秋懷詩然公方為貴恙所撓因以箴  
之

伐性鉞眉賈禍長何如鈎鼎養中央應憐刺刺出門語  
苦怨寥寥秋夕涼

宿湯泉驛

炎方到處水如湯地脉深疑有臭黃猶勝驪山污艷質  
漁陽簇馬鑒興亡

題謫仙回舟卧披錦袍圖

太白狂歌一酒船錦袍夜醉楚江邊此時應向剡中宿  
逼耳清猿月滿川

和人松江

塵纓快濯四橋水曳履却上三高堂  
欲按新圖買漁具短蓑蒨笠混行藏

去年春盡西湖上把酒看山聽澗泉  
今日松江烟浪裏平分詩思入漁船

以雪梨遺韓子文

嫠女新梨玉雪如姑山綽約想肌膚  
使君應喚纖纖手釘座風流近酒壺

老人亭

夢中已識雪髯翁  
線去絲來信不通  
覲面相呈了無得  
巖前萬竅自號風

即事

寶策歡傳萬歲聲  
塗山執玉萃華纓  
獨憐太史周南滯  
不預堯階賀太平

冉冉殘年白髮新  
可憐蹭蹬老修鱗  
坐觀溝瀆尋常困  
未使揚鬢化若神

塗中雜興

畏日炎炎火傘張，扁舟挂席泛滄浪。  
飛流濺沫傾三峽，過嶮方知有底忙。

草間蟋蟀動秋吟，偏感羈栖旅念深。  
功業豈關雙鬢事，年來白處已通心。

很石驚濤枕席喧，長江蛟鰐屢垂涎。  
早知行路難如此，何似修塗穩著鞭。

荔子如丹橄欖青，紅蕉葉落古榕清。  
溫湯浴罷晚風快。

老酒傾盆醉月明

山顛恠石如蹲獸波底危磯似化羊却憶鑑湖明月裏  
綠荷紅芰暑風涼

釣臺

故人澤畔被羊裘高挹中天會冕旒不使客星侵帝座  
謾誇拜衮與封侯

古木陰森蔽釣臺蒼崖石壁倚天開當年童稚曾遊處  
十八年間復此來



偶書

世事悠悠莫問天  
一觴且醉酒中賢  
階前落葉無人掃  
蒲院芭蕉聽雨眠

騎驃

留城鎮無馬  
荒驃相送

留城北去去分驃  
冷笑親朋駟馬多  
賴得勁蹄無可礙  
一鞭安穩過沙河

過張司空廟

昔人博物豈虛傳  
自斲龍泉古獄邊  
今代司空應見慣

斗間何用氣衝天

竅木詩

竅木饕風耐歲寒  
輪囷入用固知難  
不才果得全樗散  
且伴幽人澗谷盤

道中聞啼鳥

翠陰叢竹轉山腰  
忽聽一聲婆餅焦  
想見故園春社近  
杏花消息雨連朝

富沙城外李花盛開

萬石灘頭數十家  
溪流袞袞麥畦斜  
三分春色今餘幾  
開盡桃花見李花

題安頭陀石室

頭陀靈迹闕巖隈  
尋勝何人肯暫來  
野鳥銜花無覓處  
綠苔封逕看空回

和鄭康道探梅十絕句

國艷冰姿非世粧  
忍教臘雪苦韜藏  
昔年曾醉萬松嶺  
尚友詩人蘇與黃

學詩少日賦梅花詩老忘言借齒牙媒語淫言漫元白  
單傳衣鉢勿矜誇

雪後蒼茫立水濱香膚不粟自生溫南枝鍾美知春早  
未使蠻烟蜚雨昏

獨秀娟然寄一枝江南歲歲臘前開綴椒未見封條雪  
應誤插花晴昊來

夜寒池面結氷花誰識吳姬張麗華待到黃昏斜月吐  
暗香踈影屬林家

石腸底事關清新賦就摘華萬象春誰知袖手苦吟客  
中有築巖和鼎人

多病年來嬾作詩  
燃萁何敢銜才奇探梅技痒撩幽夢  
只有清香是已知

萬木凋枯一笑春未應  
蘭芷伴騷人東風桃李皆奴僕  
我輩論文未厭頻

瑟瑟清波溪澗寒  
屬聯詩筆不當慳  
請君更艤菁山棹  
萬斛愁侵山復山

吟到梅開醉不休十詩刻燭寫蠅頭須知老匠能雕句  
月仄金盆獨倚樓

紀行雜詩

鷓鴣源畔數人家  
匱匣青羅布障遮  
胥口山前沽酒市  
釣船相逐買魚蝦

水宿荒村夕照間  
奔流怪石鬪潺湲  
白醪似蜜聊供醉  
過盡嚴陵大浪灘

蒲風駛送行舟蓬底哦詩相棹謳  
三老相呼興不淺

溪迴山擁近嚴州

支流二水繞山城  
瀟灑桐廬舊得名  
好在烏籠山靄裏  
眼生詩句易詩成

高桅一一上灘船  
流汗頰肩盡日牽  
笑憶太湖波上宿  
雲濤無際欲粘天

石罅飛泉鳴佩玉  
灘頭怒石響驚雷  
故人相見應相笑  
愛底微官觸暑來

仁實分柑仲躬餉碧泉各賦一絕

一別溫江九換年  
賞柑籬落綴青圓  
羅浮貢篚無因遇  
林下先嘗愧謫仙

寂寞東籬嗅落英  
淵明止酒任天真  
江州無復王宏惠  
一斛葡萄賴故人

清明鑽火烹茶

客舍垂楊依舊青  
自鑽新火應清明  
故山紫笋誰能摘  
倒篋雲龍手自烹

鷄菜嶺



烟雨濛濛不濕衣  
春風欺客逞寒威  
籃輿無著新愁處  
小酌村醪款竹扉

龍井

無熱龍宮此道場  
人天瞻禮玉毫光  
璽書重疊兩朝賜  
更助吾皇節雨暘

題崇福院壁

十邑驅馳閱四旬  
盡空囹圄報吾君  
僧窓漸覺猿吟遠  
城市囂塵自此分

秋祀上丁齋宿中夜雨涼因思去歲氣候頗同  
書壁

秋雲黯黯結層陰  
頻水人稀夜漏沉  
獨有芭蕉如道侶  
二年相伴宿齋心

書寓舍壁

且卧元龍百尺樓  
難忘江海一扁舟  
西山爽氣助詩興  
忽有碧雲生暮愁

沉陰未解雨濛濛  
倚檻看山怯曉風  
睡起賣花聲過盡

不知春色在壺中

黃碧

軒臺鑄鼎已飛昇  
留與仙祠萬古名  
羽駕霓旌鎖深翠  
無因暫聽步虛聲

紅蕉

舊館彤雲誰解賦  
朱光綠潤感遺芳  
詞人自古傷流落  
安得移根貢玉堂

清暉亭

溪山佳處稱題詩終日籃輿繞翠微夾路蒼官管迎送  
客情那得澹忘歸

龍爪瑞花

嶽嶽石壁倚長松古識今觀龍爪紅何事偏私間草木  
狀元家住嶺西東

喝石巖

信脚來游喝石巖老來到處少同叅出家本是丈夫事  
歲晚終期卜一庵

宿鱸風亭

暫解塵纓鎖與韁  
鱸風秋色似鱸鄉  
從今第四橋南去  
蟹簪漁磯屬漫郎

題朝陽亭

新亭危冠別峯西  
萬壑千巖勢總低  
要使登臨高著眼  
梧桐應有鳳凰棲

偶作

不種松陵二頃田  
却來江浦按戈船  
乘風破浪非吾事

暫借僧窻永日眠

十日王程未許歸  
登山臨水此心違  
夜闌佛屋龕燈暗  
時有飛螢點客衣

小雨纖纖未肯晴  
歸程猶趁欲宵征  
潮來江浦綠如染  
雲抹山腰練許橫

送許季韶倅桂林

二年鞭弭侍君軒  
立仗從來愧不言  
乞得閒官九仙隱  
身謀優穩荷明恩

高枕秋風病骨輕  
隨鑾無復起侵星  
銅瓶漱井銷塵慮  
舌本猶堪讀道經

除墨猶新濕詔黃  
題輿不稱愧龍光  
且觀百粵蛟鱷徙  
勿羨九霄鸞鵠翔

文登猶記舊青氊  
敢恨瓜期尚六年  
辦取扁舟五湖上  
吳松魚蟹不論錢

宣和末先  
公嘗倅登

### 倦雨

留滯都城日欲歸  
江昏雨脚又霏微  
抵愁隴上麥蛾化

豈要枝間梅子肥

聽雨軒四首

春到池塘草自青  
飛花時度破窻櫺  
恨無好句追顏謝  
賴有鳴蛙鼓吹聽

脫帽風簷迎晚吹  
催詩急雨喚輕雷  
祗應荷氣薰人醉  
不用輪囷象鼻杯

聽風聽雨江湖上  
一葉輕舟樣釣沙  
暫却驚行容退食  
秋聲先已到枯葭



天寒病鴨守冰池  
折葦枯荷霰雪飛  
不覺哦詩成獨立  
南枝的皪露春機

南塔

別峯相見路非遙  
指點錢塘一線潮  
安得南山退之句  
賦成直使意飄飄

和子永韻

林樾交陰閤雨鳩  
滯留已敝黑貂裘  
却思把釣江湖上  
萬仞蒼崖插碧流

和寺丞叔賜對親奉玉音叙及家世韻

心存魏闕江湖遠  
歸覲重瞳日月明  
遙憶五倫思一見  
豈詢宣室鬼神情

烏臺鳳沼承親擢  
尚有孤忠簡聖明  
大雅一門時鮮儷  
急難尤切在原情

坦庵僧名崇彼

萬象森羅具一塵  
小庵花木四時春  
客來相對默無語  
親見毘耶彼上人

國一禪師塔

蓬徑安禪五百年六時鐘唄震諸天  
我來不問安心法露柱風林說熾然

和人

楊柳踈疎已報秋月華如水浸階頭  
惜無畫手王摩詰貌取中宵一段愁

池面粼粼已送涼小窻危坐聽風篴  
不應尚厭秋來熱已減炎天五刻長

庭前槐樹綠陰陰靜聽玄蟬盡日吟枕簟虛涼清夢境  
了無俗物動禪心

夕陽返照樹頭明天外虹收放晚晴洗盡塵埃初雨過  
一蟬飛入綠槐鳴

題潘岳擲果圖

錦繡文才貌甚都冶容亂擲果盈車披圖宜鑒登徒子  
折齒猶勝謝幼輿

雙桎

古杉翠桎幾千章勢壓穹巖九暑涼匠石它年選隆棟  
萬牛回首立明堂

朝拜羅源天慶即洞宮福地也

徐仙何代此飛昇洞府空留福地名我到朝真效三祝  
步虛聲杳俗緣輕

普照菴小憩

昔日牧童聚沙戲若箇阿師來卓庵千聖路頭都把斷  
不須辛苦誤同參

飲桂香茶簡翁及甫

午睡初醒緩注湯一甌清露沃詩腸  
疑君昔日探蟾窟猶帶天邊桂子香

游武夷二絕

平湖高柳綠千堆莫為尋芳取次回  
欲訪同叅德雲老別峯霽色夕陽開

野水溶溶易滿堤十分強半麥成畦  
我來宴坐久無語日暮春深鶯亂啼

池中雙鴨甚馴籠贈古靈陳仲

雙鳬蕩漾小池幽荷葉田田兩見秋却恨主人官滿去  
荒陂野水狎輕鷗

飯餘臨檻數龜魚蛙黽跳浪亦任渠籠寄雙鳬古靈去  
不因羽客換鵝書

智仲可化盜圖

有德由來必有隣得齊潛德感人深不勞渠聽甘棠訟  
解使偷兒自革心

同子永和貝元復春日韻

平生身計拙如鳩更向周南怨  
滯留無奈春風欺客病  
蕙蘭狼籍伴牢愁

偶訪東甌謝守家池塘春草柳陰斜  
遙思上下登山屐  
不為溪頭桃李花

村村春到野花開蠻榼紅醪盡  
醉回客子哦詩驚節物  
林端杜宇不須催

杏雨桃鬟一餉紅楞伽三昧舊家風  
江南江北松楸遠



淚眼昏花瘴霧中

題羅源驛用馬駒甫韻

今年小稔徧山村  
白叟黃童笑倚門  
老瓦為樽賽田祖  
石田多稼慶曾孫

日斜投宿古禪扉  
老宿過同東院西  
到處葛藤無用處  
試尋梅萼亞疎籬

過婺港

已辭悍石嚴灘險  
稍快平波婺港行  
夜宿喜逢漁酒市

南風拂面月朧明

劍池

削成峭壁碧孱顏  
石罅高臨毛髮寒  
我有胷中一寸鐵  
湛然如水絕波瀾

謁皇甫清虛

五湖四海仰儀形  
道貌天真孰可名  
偶泛僊舟來澤國  
回先生後見先生

含暉亭

渺渺曦車暘谷升東封日觀未容登山僧更約中宵看  
列炬煌煌現聖燈

喜雨

京塵眯目厭黃埃蕭颯風搖聽雨來心似芭蕉半憔悴  
喜聞蟄戶一聲雷

題鴈蕩圖寄二兄

誰知歸鴈亭中客鼓翼來遊鴈蕩山更寄鴈圖憑鴈足  
秋風孤鴈苦思還

夜坐

驅蚊無術但抓膚燈火無因暫映書  
半夜西風吹急雨  
芭蕉聲響竹蕭疎

梅

寂寞吹香野水濱霜蜚月墜倍精神  
橫陳故作臨窻影  
妙韻誰云畫逼真

夜泊第四橋

月淡波寒夜向分  
斷行孤鴈不堪聞  
扁舟第四橋南泊

無限清愁寄夢雲

再至義泉院蘇才翁題曰鳳翅泉

不令辛苦登螺嶺再挹泓渟嗽鳳泉  
客鬢自憐塵土滿嶺松崖竹飽風烟

丹桂盡開因思去歲從駕宴賞之盛

清蹕當年從紫皇絳霄丹桂進霞觴  
夢回猶記鈞天奏一簇紅雲繞赭黃

次子都兄借楊凝式帖韻

空傳狸骨與鵝羣惟有關西筆可珍  
鐫刻所存猶勁健  
歐虞信是捧心人

前朝惟有楊虛白心畫心聲獨擅功  
身繫南冠懷洛寺  
恨無北客話高嵩

楊李書名五季間江南勁筆儉而寒  
臨摹更陋唐人筆  
不脫蘭亭舊界闌

和林尚善讀子雲傳夢得詩韻

尚白寧堪衆楚咻井湄餅碎愈增愁  
後人歸罪美新作

莫汙蕭郎文選樓

君子惟宜以懿文後生輕進附僉人竹枝空有蠻歌怨  
爭似當年略轉鈞

用東坡回文韻

春晚落花餘碧草日長舞蝶妬紅蕩新荷捲翠簪池面  
弱柳垂絲織暝烟

詩餘

木蘭花慢

秋意

占西風早處一番雨一番秋記故國斜陽去年今日落  
葉林幽悲歌幾回激烈寄疎狂酒令與詩籌遺恨清商  
易改多情紫燕難留嗟休觸緒繭絲抽舊事續何由  
奈予懷渺渺羈愁鬱鬱歸夢悠悠生平不如老杜便如  
它飄泊也風流寄語庭柯徑菊甚時得棹孤舟

滿庭芳

木犀

香滿千巖芳傳叢桂小山曾詠幽菲仙姿冷淡不奈此  
香奇翠葆層層障日深愛惜早被風吹秋英嫩夜來露



浥月底半離披 誰知清品貴帶裝金粟韻透文犀與  
降真為侶羅袖相宜寶鴨休薰百濯清芬在常惹人衣  
姮娥約廣寒宮殿留折最高枝

滿江紅

和鹽田驛  
駒父留題

梅雨成霖倦永晝暑行巖曲愛雲梢翠樾枕谿蓬屋輕  
木凌波衝卷雪飛泉奔壑鳴哀玉羨漁翁終歲老烟波  
披蓑綠 嗟客宦荒松菊頽壯志青編竹更長年諳盡  
是非榮辱鐘鼎無心時節異山林有味簞瓢足感故人

於此賦歸歟思之熟

南鄉子

鹽田渡

掛席泛安流。細雨斜風到渡頭。萬疊雲鬟真似畫。雲州自古詩人幾箇游。旌旆去悠悠。別駕無功愧食浮。却憶五湖烟浪裏。扁舟第四槁南雲。水秋。

鷓鴣天

送客至湯泉

十月南閩未有霜。蕉林蔗圃鬱相望。壓枝橄欖渾如畫。透甲香橙半弄黃。斟淥醕。泛滄浪。白沙翠竹近溫湯。

分明水墨山陰道只欠水谿雪月光

西江月

送客石  
岳亭

渺渺長汀遠壑蕭蕭雨葉風枝幾回臨水送將歸客裏  
暗添憔悴門枕數峯滴翠舟橫萬疊連漪綠秧深處  
鷺子飛愈覺田園有味

菩薩蠻

寒山橫抹修眉綠樓前溪瀑鏘鳴玉車馬各西東行人  
如轉蓬欄干成獨倚海濶天無際雲淡隔壺山鴻飛

香靄間

浣紗溪

梅菁山  
遇雪

天矯翔鸞溪上峯飄蕭雪霰打船蓬  
天花凌亂水晶宮  
飛透紙窻斜取勢吹回溪面舞因風  
身遊水墨畫圖

中

前調

山中清明後  
一日大雪

碧澗蒼崖玉四圍東君剪水散明璣  
半開桃杏不勝威  
疑是羣仙遊閬苑歌雲舞蝶鬪高飛  
珠幢玉節送人

歸

前調

暮春

掃地燒香絕點塵  
綠堦綠草又殘春  
略無閒事撓天真  
時落燕泥沾几席  
亂粘飛絮上衣巾  
西湖回棹少年人



欽定四庫全書

芸庵類稿卷六

宋 李洪 撰

啟

除左帑謝廟堂啟

丞相府之掃門敢希孟晉中都官之庀職忽冒超除埏埴恩深饗踰顏厚竊以為官擇人者朝廷之治惟器是適者宰相之方英雋無怨于下僚驥駟並驤于夷路矧聖主握圖而總攬宗工獨化于陶鈞外之則萬國承流

內之則百司庶府用人不間于親故肆祐甫之陳謨得  
賢能立于邦家致成周之極治掄材無滯籲俊在朝若  
時左帑貨布之權實專有司出納之吝法嚴令具靡資  
心計之能為疾用舒務廣錢流之效雖曰具員之冗實  
階要路之津斥瓊林大盈之儲既革奉天之橫賦繼建  
隆內藏之積將贖燕薊之遺民粵若司存宜知國體如  
某幼顓學古壯偶績文疲精刻楮之勞無用屠龍之藝  
陸機入洛志襲先人之清芬揚雄草玄晚悔童子之少



作徒勞俗狀踳蹬窮波沉舟坐閱于千帆涸轍方須于  
斗水尚軫門牆之舊物俯憐羈勒之故家誦介推之卒  
章敢意封于縣上效叔敖之抵掌乃獨薦于王前湔祓  
陳人躡陪多士孤忠未泯慨精爽于衛公報德何時儼  
老人于輔氏亶謂曲成之造悉歸大播之公某官道運  
寰中功侔繫表集大成于宣聖全浩氣于孟軻咸一德  
以享天心克懋阿衡之美兼三王而施四事用彰姬旦  
之勤致此瑣材亦叨器使某敢不益修家訓期稱已知

飾儒雅非俗吏之能商功利豈小人之事姑安顏巷終  
入修門十年筦庫之奉公斯會計當而已奕世詩禮之  
素習宣玉帛云乎哉誓竭至愚仰酬大賜

左帑到任謝宰執啟

結綬王畿玷中都之帑藏及瓜葵戍荷元輔之陶鎔揆  
日效官披雲旅見茲極平生之榮遇悉繫大播之曲成  
輒贊歡詞仰干崇聽竊以王者總四海之富實懷琛幣  
充物于攸司大臣宅百揆之尊稷臬居楔作成于器使

宜蒐心計俾掌利權仰乾緯之躔上符天庫擬白藏之  
富控引世資攝承其間出納惟吝如某者幼承先訓壯  
頽家聲既乏萬選之聲徒紆半通之綬家慚金穴論著  
錢神蹭蹬星霜艱危道路富寧潤屋每嗟彭澤三徑之  
荒業貴多文有類臨邛四壁之立甲辰自誚庚癸長號  
彈蒯緱而食無魚夢覆蕉而焉得鹿歎安仁之數免羞  
梁竦之徒勞祿不洎親固已再仕而心再化學非為已  
方將三沐而坐三薰俾校貫朽之緡曷致錢流之效幸

依宏覆庶道曠瘼某官一代耆英四朝長德佩安危之  
寄維石巖巖諧該輔之聯台符兩兩社稷泰安于九鼎  
聲名震懔于四夷位隆而身愈恭靡忘吐握功高而口  
不伐即正鈞衡顧此鑛頑亶逢幸會免呼涸魴之轍獲  
掃行馬之門粒粟一枝方遂鷦鷯之適雙鳬乘鴈得依  
渤澥之游

賀直院舍人啟

晨趨中帳暮直北扉紬金匱石室之書望隆太史連翰

林華蓋之直眷厚詞臣文字之祥衣冠鮮儷某官學探  
道秘識照幾先四十歲而不動心時推孟子五百年而  
必名世親見揚雄徧儀清切之司接武功名之會問中  
朝之李揆安肯來耶對宣室之賈生今不及也上心乃  
矐要職仍兼播黃麻之六經契楞伽之三昧相門有相  
而將門有將豈惟世濟于八元伯氏吹壘而仲氏吹篳  
實掌王言于兩禁冰銜彌峻禁篥增光絕麟筆于汗青  
拜袞衣而頭黑一命再命三命罄偃偻而走循牆大書

金少府  
卷六  
特書屢書誅姦諛而發潛德某曳裾惟舊蒙盼最深出入玉昆金友之間頗念東里西華之困儻憐臭味久歎陸沉誦佳句于百僚雖愧杜陵之作求奇士而再薦庶辱梁公之知

賀虞知院啟

趣朝丹陛入冠鴻樞借箸運籌委任實資于元弼定功保大仰成方賴于宗工聲懽華戎慶闕廟社竊以主上躬大有為之志而羣臣莫望于清光我公負古王佐之

才而舉世咸推于舊德乃瞻樞機之重尤嚴宥密之聯  
體貌亞于台衡班列高于參預敷求人望故虛府者歷  
年渴見儀刑不崇朝而正位矧偃兵而修睦寧弛備于  
邊防聚精會神亶須遠馭折衝厭難遂底迓衡果聞命  
世之英增重本兵之寄某官名高九牧忠貫兩儀垂光  
虹霓之輝稟氣岷峨之秀夙蘊尊主庇民之略出符興  
衰撥亂之期督師旅于戎昭旌麾動色殲亮渠于江介  
草木知名豈惟談笑而却秦軍固已威重而訾漢相勲

高微管澤懋翼商爰從綠野之游殊鬱蒼生之望昔詠  
周公之未復令欣季子之來歸佇觀樽俎之謀式契腹  
心之助稽建隆之故寔何嫌並相于三公繼元祐之師  
臣將復平章于重事某迹縻筦庫恩倚門牆頃由銓部  
之調官辱記石渠之先契顧茲困蹟再託陶鎔躋足病  
駒儻令于起廢沉舟枯枿有待于逢時

賀同知叅政啟

不膺綸制進執事樞右府偃兵方倚折衝之畧中臺本



政實陪論道之司人望所歸國威自振竊以國家肇隆  
宥密俾專帷幄之籌唐賢或拜叅知益均鼎軸之任仰  
惟宵旰厲精之治尤嚴夙夜基命之廷非嘉言久契于  
宸心則德望素孚于士譽儀圖共政僉屬我公某官智  
為帝謨道扶皇極南金東箭粲然王國之珍北斗泰山  
仰止文章之瑞蟠盡規于諫諍愛莫助于將明惓惓利  
社稷之言媿媿憂天下之論萊公忠義力贊澶淵之征  
韓愈剛方克佐淮蔡之烈却楚人之問鼎知魯國之用

儒事久益明上方圖舊聽直聲于履暫居八座銓綜之  
宗覆相名于甌徑躋三事弼諧之寄竚膺爰立永佐中  
興某託契最深掃門特後嘗辱溫言之賜儻回寒谷之  
春崇舊好于竹林預新陰于桃李大均播物庶幾塊北  
之中東閣方開輒綴英賢之賀

通楊漕啟

由義

解雋不疑之劍蚤獲登于門牆題陳仲舉之輿遂得依  
于屬部方問塗于千里竊有賴于二天輒贄牋函仰投

燕几某官英猷命世勁節邁倫松柏後凋猶負棟梁之  
用箸龜先見灼知治忽之原方和戰之議雜進而盈廷  
雖輔弼之謀環視而拱手單車馳不測之地片言結再  
合之盟至誠感于神明忠信行于蠻貊朝紳聳歎聿為  
三表五餌之勲國勢尊安復增九鼎大呂之重眷倚益  
隆于丹宸蕃宣洊錫于朱轡陞南宮郎省之高華陪右  
府幾庭之密議若時閩粵遴選皇華將輸姑寄于外庸  
獻替方虛于法從寓直西清之邃用寬南顧之憂輓粟

飛芻既豐于大計簪筆持橐行陟于禁塗某跋躓無堪  
嶽嶽可笑少雖有志思企及于前修壯且無聞愈摧頽  
而漫仕頃司金于外帑俾佐治于南州顧其流落之艱  
窮令隸澄清之刺舉倘寬程督請事教條居官無以踰  
人奉法亦足為理清河持孺文之舊非敢擬于昔人晏  
子知石父之賢庶獲伸于知己

通傳漕啟

自得

慕暴公子之義願瞻衣繡之光慚陳仲舉之才不稱題

輿之任方問塗于千里獨竊庇于二天輒致牋承仰投  
槩几某官英猷命世雅量鎮浮節義大閑承獻簡勲勞  
之後文章正法襲雲龍衣鉢之傳學者仰之北斗泰山  
詞人擬之良金美玉適際厲精之旦爰膺共理之求效  
信納忠式契對休于九陛承流宣化豈勞奏最于三年  
主父興見晚之嗟賈生有不及之嘆冠太微積星之省  
擅晉陽一門之榮伯氏壘而仲氏篴有光鴈序質為酥  
而贊為酪著美鴈行若時甌閩飛輓之權實寄宸扆耳

目之重蓬山寓直宜領袖于諸儒南國觀風載澄清于  
屬部訖外庸而作輔溪中詔之遄歸言如絲言如綸嗣  
見告廷之典冊用汝礪用汝楫竚觀繼世於鼎司某跋躋  
固窮嶽嶽可笑頃備員于外帑俾佐治于遐陬矧茲遠  
官之漂流實賴皇華之刺舉陪建炎之羈勒倘懷先友  
之同朝挫屨之姦雄尚誦南宮之鯁論少寬程督請  
事教條雖居官無以逾人然奉法亦足為理埋輪冀部  
顧安問于狐狸涉筆藍田庶少清于鳬鷺

通王漕啟

佐

趣朝丹宸寵畀漕臺以侍從之重而主計司固優刺舉  
以版曹之舊而總調度奚俟幹旋惟茲八郡之提封具  
識九重之注倚凡依庇賴深切歸投某官學統聖真道  
扶皇極文章冠于天下智畧湊于上前奉對宸廷非子  
大夫尋常之語司言左省結聖天子特達之知幾三入  
于承明類九年于楚澤招不來而麾不去咸欽直道之  
有光尊所聞而行所知共仰真儒之無敵矧自狀元而

拜宰相本朝今數于六公而由孔子至于孟軻名世蓋  
踰于百歲尚屈調元之大用來紆攬轡之循行即慶袞  
衣諒無暖席某蹢躅不進跋躑固窮頃緣羈勒之故家  
猥玷廟堂之除吏叨司外帑黜貳遐陬方疲簿書期會  
之煩遂有夏屋帡幪之託重憐季父蚤締素交豈期竊  
幸于二天或者粗勝于一割

序

檄株集序



詩于文章為一體必欲律嚴而意遠模寫物狀吟詠情  
性象外之象境外之境昔人謂如藍田日暖良玉生煙  
可望而不可置于眉睫之前其難如是前輩用心之專  
終身不以為易繇建安至六朝莫盛于唐三百年間作  
者衆多傳于今尚百家而言詩者必以李杜為宗豈非  
專于所長乃能名家耶皇朝之初時尚崑體自歐陽公  
王文公起而一變怪澁為清圓蘊黃繼鳴四方風化句  
法乃復于古而釋子工詩代不乏人豫章流派學者競

宗祖可善權蔚為領袖其後異才輩出矣武原僧源浩字濟遠人多稱其學問尤長于詩老且病悉焚其稿死後四年得可舒上手錄詩文一編觀其用心之專資取之博雖前輩詩僧不能遠過然後嘆其才不偶命向使列於儒服必能犖犖取奇節而心勤翰墨無名譽于當世詩之所存者如此而已舒請序其首以慰斯人于冥漠中昔劉夢得評靈澈詩經來白馬寺僧到赤烏年謂入作者閭域予觀浩之春雪則有舞空初認蝶著樹

忽成花又云吟合暮雲餘語碧講終流水靜音潮語皆  
清婉不愧古人凡錄古律詩若干首雜文附焉合為五  
卷題曰楸株集紹興丙寅歲序

靈椿庵芝草序

按僊書五色芝神僊所餌必生于山間石上晻然有光  
或蔭以卿雲守以麋鹿然世不常見服餌之方不得其  
傳間一出于時乃與嘉禾瑞麥為太平之象彼生于禁  
掖銅池齋房帝所則宮童效異樂府作歌圖繪其形金

金史卷之八十二  
卷六  
玉殊色足以盪人耳目真治世之偉觀也不幸而生于  
深山窮谷人跡罕至委之草莽槁枯腐敗于巖阿水涯  
非有隱遯之士山僧逸人見而採掇則舉世無知者又  
有感純孝而生墓上表循吏而出園囿此亦遼濶而創  
見也國朝祥符中登封告成得靈芝三萬餘本宣示于  
朝覽卷慨然生逢中興海內乂安治俗泰寧萬物嘉生  
和氣之所薰灼宜殊尤之祥無愧疇曩維邇委至薦于  
郊廟而上方黜休祥之奏儲神邃古郡國歲以瑞物上

太史合于圖諫不可殫紀皆秘在蘭臺莫得而聞若此之時芝生于窮遠之鄉不為士君子所表見又不知其幾也雖然必有積善之家將委曲默告其朕不克獻諸朝廷之上而示私家之祥者詎可略乎觀天人相與之際非可與單見淺聞者道也歲在甲戌紫芝生于太平山外舅燕居之所光彩絢目非醇和之氣所鍾寧有是耶竊聞商山四皓秦漢間隱居茹芝壽數百歲為地仙陶隱居注本草亦曰芝者仙藥可以延年度世而不老

則茲瑞之應其錫以難老之符歟戩穀之來既壽且臧  
方興而未艾私竊志之將以慰茲芝之不過而幸予之  
親遭因繪為圖並序之以貽好事者

送趙德遠序

湖湘之南列郡惟八衡陽去南嶽最近其屬五邑在承  
平時上戶十有八萬其風土人物之美歲貢金犀之珍  
韓退之謂衡之南地益高山益峻水清而益駛中州清  
淑之氣于是焉窮蓋繇關中視之也中原多事以來衣

冠落南者既衆往往稱其清絕載于賦詠况近時遴揀  
良牧分符之寄皆名人上龍飛之五稔推于屬籍吾友  
德遠得守衡陽德遠天枝之秀為人和而莊議論卓越  
早以文章決科好古樂善無王孫貴游之習有書數百  
卷鉛槧甚精作詩數百篇風雅畢備極詩人之體紹興  
戊寅余譏征畿邑德遠為丞最相厚善別八年余官左  
帑而德遠被命入對便殿稱旨自別駕真拜二千石頃  
在畿邑德遠攝邑事民訟皆立決庭無留人退必哦詩

命觴博約古今無虛日秩滿佐七閩帥幕練習吏事有  
聲大府下俾臨一州固易治然黨友間尚咨嗟惜未大  
用余謂方今聖天子循名責實岳牧尤不輕畀凡分符  
及瓜必趣入對天語下諏必究民瘼欲膏澤亟下于民  
雖漢宣厲精文皇求治不過如是德遠之守郡將核課  
最以陞公卿為不晚矣德遠高明之學濟之以忠厚當  
不鄙夷其民如柳州政拙催科如道州異時湖湘之間  
刺舉六條薦賢二千石必衡州也謹為之序



記

鹽官縣南福嚴禪院記

杭之屬邑曰鹽官民淳號易治風俗簡樸尊儒而崇釋  
邑東南瀕海斥鹵漁鹽之鄉皆逐末業牢盆之利歲成  
視西三鄉為豐歟農夫深耕利于早熟蠶婦織紵以勤  
女紅樂歲家給人足斥其贏奉佛惟謹故民居與僧坊  
櫛比鐘唄之聲相聞隆樓傑閣錯立鼎峙飽食豐衣緇  
褐塞路不耕蠶而仰給于民者不知其幾千指也尼居

有三曰福嚴禪院直邑南隅紹興乙亥歲冬予譏征是  
邑暇日過其門敗屋數楹像古器利門堵頽闕蓬艾蕭  
然如蹈無人之境今十稔矣而住持淨歡以修院記屬  
予竊甚異之乃夷攷其因革之繇先是院圯壞不治紹  
興甲寅歲其徒希照募衆重修佛殿素飾瑞相始作鐘  
樓隆興改元惠勤載捐衣鉢重新之乃立三門兩廡甍  
甍階級周以垣墻今齒逾八袞薰修不倦淨歡繼踵院  
席歲將終星祖孫三葉協力藏事凡鐘磬鐃鼓鑪香龕

燈華幡道具皆革故而鼎新之邑人父老咸加信嚮其事可書按是院立于南齊高帝建元四年尼曰僧猛捨宅為寺號曰齊明猛姓岑氏南陽人徙鹽官五世矣曾祖率晉餘杭令事載高尼傳而元和姓纂云岑本南陽漢舞陽侯彭之後軻為吳鄱陽太守徙鹽官亦與此合至五代漢乾祐中改護國報恩院今曰福嚴者本朝大中祥符元年勅所賜也薦罹兵革前志不存姑載其大畧噫是邑僻在海隅象教之盛僧有禪門尼有猛師令

其學者代不乏人方朝廷既闢度異時必有若總持發  
明心要接物利人於此伽藍闡揚宗旨豈但營造土木  
之功可紀哉予知歡之志實在於此故併書之以勵來  
者乾道三年歲在丙戌十月十日記

隆恩庵記

吳興郡南羣山輻輳截然當苕溪之衝者衡山也苕水  
出天目而來循山始東又北匯霅水貫于城中入于具  
區衡山春秋時嘗為楚越之交圖志可攷山之陽有隆

思庵者姑胥鄭繼先所作也繼先既葬其先大夫于茲山有年矣又築屋于墓道命瞿曇氏修香火之奉問名于予曰願有述焉予告之曰君子之思報其親寧有既乎春雨秋霜則有怵惕之感松聲滿谷而增風木之悲惟先大夫以諸生起家力取科第分教朱郟貳郡苦溪駸駸向用矣年踰耳順致其事而歸頃倅是邦時繼先方垂髫執經膝下予每過先大夫必笑譚終日逮予丁外艱蓬首墨衰卜窆山谷往來尤稔先大夫遇我厚調

護襄事無毫髮不盡于死生之際高義凜然先大夫既  
謝事距今六閏宰木拱矣予來都城繼先頻歲相過頽  
然開爽能自奮厲與諸生角藝銓闈與之語纏纏可聽  
益嘆先大夫之有子也昔吾夫子既合塋于防曰古者  
墓而不墳蓋始立封崇之制矧今墳庵之設自公侯達  
于庶人咸遵西方之教實資梵福雖未必合于禮經然  
聖人復生亦不可廢也于是稽戴記三年問之義于父  
母加隆其恩之說榜曰隆恩且以告繼先當率禮經以

克承先訓後嗣之賢者能致其敬竭力從事以報其親  
不敢盡廢不亦可乎繼先名紹孫予之表第云乾道四  
年五月晦記

傳

石碣傳

石碣字文炳其先居岐山周宣王太史籀從王蒐于岐  
陽得磬昆第十人薦見稽蒼頡爲跡之制誦及逸詩其  
詞古雅遂封于岐周末無知者隱居草澤裔孫篆始皇

時為丞相李斯舍人二十六年初并天下命篆以昆吾  
刻和氏璧為受命璽拜尚璽郎將講封禪東行郡縣上  
鄒嶧山既封泰山禪梁父諸儒稱頌功德斯獨奏篆文  
最工刻石泰山第功封倫侯後從上會稽探禹穴遂不  
知所終劉項戰爭高皇帝馬上得天下獨萬石君以戚  
里顯後漢中郎蔡邕以經籍去聖人遠文字多謬俗儒  
穿鑿疑誤後學乃奏求正訂六經置大學始薦篆初孫  
佐

藝文志佐書  
八分隸字也

通經繇民徵博士于是儒生晚學咸取



正焉石氏遂振因郭有道稱曰石君金石交死且不朽  
人亦謂無愧辭有子銘喜論功閎從車騎竇憲征單于  
班固為銘最善以軍功封燕然侯第碑魏大臣鍾繇立  
請禪受禪于譙郡文皆倚碑刊削其後子孫散之四方  
仕吳蜀皆有能稱典午南渡曰楷仕中書監與會稽內  
史王羲之父子游羲之嘗至許觀元常故迹欽重其為  
人永和九年暮春修禊山陰蘭亭文誌為世模範隋平  
陳自楷六世有碣風稟異質螭黿趾與永興公虞世南

素善始仕隋蘭臺丞文皇初開天策文學館號登瀛洲  
碣特方重面目嚴冷黑白分明帝所敬雅不為兒女子  
嬪御所喜久不遷時諫議大夫魏徵剴切箴帝闕嘗從  
幸九成宮醴泉徵泚筆目碣驟諫以仁壽故宮為言碣  
辭色古樸望之凜然人皆畏避帝嘗稱徵嫵媚而獨尊  
憚碣方正嚴稜也會徵薨帝臨朝嘆曰朕寶三鑑徵逝  
一鑑亡矣顧碣巍然有雅望宜居史職時修文德皇后  
園陵碣遂奏疏諫厚葬非古援漢文灞陵規帝雖錮南

山猶有隙穴尤嘉納遂以本官修國史命護葬昭陵親  
勒文以貽後嗣帝思徵忠亟命將作大匠乘驛趣召碣  
對便殿碣外負文章每以副墨自將遇給札上方用憫  
愴無邊幅筆削雖逡巡立成或脂蠟其貌所謂文不加  
點帝尤惓惓屬目即日命以御札表徵墓拜同中書門  
下三品南朝有三品石封樂石侯年老得寒疾語譌昏耄嘗嘆  
曰易所謂大耋之嗟表乞骸骨加尚書令致仕封即墨  
公後以徵子叔玉停昏碣亦不能無舛望譖者毀短之

詔下廷尉因被疾風眩仆地昇至沙苑薨子誌負學行  
重質魁然長者悼父方正謹卒不肯求仕天后時李北海  
邕號詞林偉人與游嘗譜其系至八百素厚張燕公  
說晚為姚元崇賄玩所賣終身恨之顏魯公真卿元道  
州結文翰表世嘗共游浯溪頌中興咤曰名字託石生  
信磨不磷涅不淄矣其見重如此至于王公家廟德政  
佛老祠宇所至每加龍礪折衷厥後昌黎韓愈主盟古  
學少許可亦稱仰如泰山晚節詆訶浮屠乃諛墓中人

取白金佐淮西軍見仆于石烈士石氏重厚衰矣在嶧  
山有棗氏子肥謂石氏自出尚有典刑嘗見詩人杜子  
美或謂遭野火焚死今無聞焉贊曰石氏苗裔尚矣衛  
大夫碣列於春秋秦漢以來嗣續多賢文采不泯廬陵歐陽  
子曾粹金石刻辭至千卷嗚呼盛哉至碣之嗣亦可謂  
卓犖巨人矣惟白居易賦北邙寓諷而皮日休亦悲野  
廟蓋警夫竊弁纓而尸祿位抑所以責備賢者後之君  
子盍思自勉于不朽歟

銘

紫微龍尾硯銘

并叙

余生歲在己酉大駕南巡先公扈從掌誥紫  
微閣下渡江故物散逸得龍尾園硯焉于時  
天子焦勞庶政躬攬豪傑思濟多艱以圖中  
興復古之功初詔誥命令布于四方武夫悍  
卒讀之流涕按劍而志存伊吾之北矣將相  
同心共獎王室聖主推赤心置人腹中故建

炎德澤深結民心惟我先公以一身執羈勒  
從上于艱險中能導上意鏗鉤震湯鼎濃墨  
大字摹寫天地發揮日月俾民咸曰大哉王  
言方其搦寸管于屬車警蹕之間使如雷如  
霆號令迅速與夫吮墨盾鼻而草檄橫槊馬  
鞍而賦詩固不侔矣斯硯有助焉皇天悔禍  
成今日中興之業亘越古昔丕丕之基對天  
無競繫前日作士氣得民心之故也彼有暴

郊簷之冬日話玉堂于田舍況茲硯為李氏  
之寶豈與文房之玩可同年而語哉謹勒為  
銘以示子孫使毋忘先德益勵報君之忠也  
月團團兮望舒之魄也顧兔薦穎兮燃桂以為墨也雲  
蒸霧蔚兮中興之德澤也從六龍兮浮日域也拂扶桑  
兮宇宙窄也驅雷霆兮拯人厄也戮鯨鯢兮妖蜚磔也  
玉振金聲兮君子德也摘藻天庭兮文華國也韋編三  
絕兮探其賾也抱槩懷鉛兮玄尚白也志在春秋兮麟



之獲也誦龍蛇之章兮去無迹也子孫寶之兮不在乎  
龍尾之石也

漆硯銘

有序

昔北海侯譜硯載古以玉石雷斧鐵甕為者  
惟晉太子納妃有漆硯余得之永嘉縣工凝  
漆而成勒銘識之

孚尹璚栗謂爾玉質溫潤而澤則凝其石追琢就窪堅  
然無瑕鄭人腊鼠荆山抵鵲靡竢三獻薦于几格意鹿

臺榭工之棄孔壁汗簡之餘友陳玄與毛穎伴草玄而著書

贊

李氏龍池庵芝草贊

並序

金芝瑞堯庭之歲余調官都下伯兄自雪川  
上冢還書抵余以靈芝生龍塢告實先公佳  
城兆域也靈華睒然色婉綬紫顯示默告用  
侈潛光蓋距窀穸之年一星終矣山川之美

鍾于植物以彰我伯仲孝友之懿垂裕燕翼  
宜有頌詩謹摭實而贊之

元精綢繆回復產祥萃于靈華煒眩其光靈華伊何  
龍塢之麓覆以卿雲守以麋鹿樵人以告天畀徵符醇  
和粹美瑞鈞友于龍塢之雲崇朝而雨媿我先德澤潤  
終古龍塢之泉蔭以松栢演漾涵瀾既甘且食山川盤  
鬱秀于酉申歲星一終以闡坤珍蔓蔓日茂連葉菌蠢  
紛至沓來其應莫朕孝子不匱既蕃既息詩以贊之垂

休罔極

冠萊公贊

堂堂萊公龍章鳳姿文武憲邦太宗知之景德之元獫狁侵邊公相天子匈奴訾焉真宗倚公躬乘戎輅七萃六師闕如虓虎公仗黃鉞克揚天聲不敢多殺從其乞盟遂講和戎誓天歟血南北赤子永享黃髮公在廟堂四方訓之身遭讒黜節無磷緇我覩公像英風凜凜微管之歎吾其左衽在仁宗時敵情中渝鄭公繼焉尋盟

如初非天私我有邦惟天佑于一德篤生巨賢以幹王國社稷之福澤在生民即圖稱贊以勸為臣

羨門子贊

東海神山方壺蓬萊安期羨門飛相往來跨羸越劉名傳實隱無意無必太冲莫朕區區方士媚世好誇徒瞻雲飛空傳棗瓜形容誰寫我觀莞爾噫羨門子有口如耳

蓬萊都水使者贊

有序

蓬萊都水使者陶真人自寫形于四明之蓬  
萊觀在昔真宗朝採玉清昭應宮木于海上  
阻風中使見海氣中真人嚙水獲達于岸事  
載于碑胸山劉子材為四明幕官摹得之蓋  
貞白陶隱居也因為贊之

先生在梁分華陽隱居學道成仙兮出有入無寓形琳  
宮兮眉宇軒如我敬瞻禮兮縑素所撫雲披月露兮飄飄  
凌虛山中宰相兮強名之歟

沈時仲畫贊

有序

錢唐沈時仲老成篤學予頃官海昌即與之  
游乾道乙酉訪予于都城因出寫照時踰耳  
順談古今閱細書雖少壯所不逮一時輩流  
皆騫騰不肯俛首求仕以衡嶽祿隱自佚因  
為贊之

鶴髮緇衣香山之皤叟幅巾植杖斜川之逸民腹有萬  
卷書而羞折腰于五斗年開第八秩而獨尋樂于天真

彼忌鵬畏犧全生者益寡則求田問舍自放于寂寞之濱

劉蓑衣畫贊

並序

茅山劉蓑衣紹興戊辰被詔至闕下客有得其繪像者命工傳肖而贊之

神聖御寓崆峒訪道不殺為仁慈儉為寶翩翩鶴駕來  
會法宮肆觀真人如雲從龍惟時蓑衣幅巾草屨顧揖  
萬乘對敷天語蓑衣蓑衣道妙太微吐納二景壽伴兩



儀方瞳尺宅練素傳貌清風照人驕  
枝披撓箕山洗耳具茨隱藏倚歟蓑  
衣視古有光遠覽德輝翱翔下翥既  
覲堯眉汎然辭去良常之麓仙真所  
居蘭室衡臯于焉踟躕我瞻眸容思  
見顏色庶幾一眴神遊八極服膺寤  
寐爰寫心聲靈臺莫狀空詠丹青

跋

跋盤谷圖

乾道壬辰重陽余客雲間錢師魏家觀  
趙祖文畫歸來

盤谷二大圖見其位置豐富余嘆曰愿將家子豈真隱者特博徒之雄耳韓退之厄窮于時文章之游俠也戲弄翰墨以鳴其不平借愿為喻豈當與斜川為偶耶坐客皆稱善及考唐史亦載愿歷方鎮卒以聲色荒侈敗退之作文不見歲月及閱歐陽棐集古錄則知其貞元中刻石當是時退之間關一第從辟汴徐自四門博士始得監察御史時年三十五論事觸幸臣為李實讒貶山陽令方其少年負功名之志宜乎有激而欲從愿于

盤谷也是歲除夕前二日風雪塞門康道出此軸求跋  
因直筆叙余言綴諸公之後

跋陳戶曹陰德記

何比干為汝陰獄決曹掾活數千人神嫗告符天乃錫  
策以廣子孫探懷出策長九寸凡九百九十枚以授比  
干子孫佩印綬者當如此策天之報善而貴陰德如是  
宜單見淺聞者可擬議哉戶曹修德積善在躬豈望報  
乎而貽厥方來之告符猶以二十大夫為信亶亦異矣

樞學揚其光敷文濟其美日華嗣其慶盛德之後莫京之祉于此益顯異日當知斯言之不妄云

跋陶彭澤歸去來圖

陶彭澤可謂善居貧矣其出處之節余固不論也讀其詩九日間居則曰塵爵恥空罍怨詩則曰夏日長挹饑寒夜無被眠歲暮則曰屢闕清醑至始作鎮軍則曰被褐欣自得屢空常晏如與從弟則曰深得固窮節飲酒則曰饑寒飽所更有會而作則曰老至更長饑詠貧士

則曰量力守故轍豈不寒與饑傾壺絕餘漉窺竈不見  
煙敝衿不掩肘藜羹常乏斟歸來自序曰家貧耕植不  
足自給幼穉滿室鉶無儲粟及其恥一束帶見鄉里小  
兒則又有饑凍雖切違已交病之語是豈有一毫矯飾  
于其心哉信吾夫子所謂人不堪其憂回也不改其樂  
余素貧蓋深味其旨未嘗不掩卷長太息也余豈敢尚  
友彭澤然歲儉居貧備嘗彭澤詩中之趣因觀康道此  
軸附見余所好于後

跋戶曹考課牒

考課之法在唐為詳有四善二十七最之目國初踵前  
武太宗出誠勵京朝官聖語云政惠臨民奉法除姦方  
可書為勞績先是給御前印紙歷子書其課至是別撰  
誠勵詞親書連于印紙之前仍詔審官院錢若水呂祐  
之曰中有奉法除姦之語恐不曉者則生事以求功勞  
可語之曰除姦之要在于奉法大哉聖訓斯所以致我  
宋有永之祚也今觀戶曹陳公雍熙端拱淳化中考課

三牒概見當時四方萬里之廣簿領掾曹之卑勤身  
奉法考課殿最繩繩乎如唐虞成周之盛某既錄副墨  
藏於家敬書其後以歸陳氏

祭文

祭嘉州叔父文

嗚呼叔父德富命延宰邑連最吳松絕倫錫對丹墀將  
登要津佐郡劇邊自随移均叱馭蜀坂三駕朱轡膚使  
列刺名徹帝閣增秩示寵簡注中宸力丐香火歸崇淨

因遊心華藏再轉法輪恍若靈鷲記別夙遵奄忽殂謝  
壽彌七旬階升卿列金紫章身燕翼無嗣孰測蒼旻自  
卜壽罔生樂海濱了立幼妹羸疾僅存徃從其夫簿領  
漢漬竭來舊邑饋奠獲親顧懷存歿悲哽奚言松楸儼  
立淒愴蒿君冰結淚賸愁凝隴雲再拜酌觴哀而不文

祭大監季父文

嗚呼南渡以來自先公薨十八年間死喪相仍歲一終  
星御史傾殞嘉州之喪今甫再閏季父遽亡翦焉殆盡



嗚呼哀哉惟我季父德宇純粹文學懿華見推前輩三分守符敷歷遠外晚際更化名自郢中錫對前旒啓沃帝聰結綬中朝丞于大農為郎天官羽儀省戶時推老成金玉憲度鴈序之祥踵先公武平允持衡銓綜多譽太上視師凱奏鏘金堯舜內禪抒頌獻箴洋洋具美治世之音奚斯頌魯宗工所欽詔藏史館榮動書林躋于大匠造膝蹇諤遂膺簡知駸駸從橐夫何引疾寓直延閣起乘輅傳趣覲帷幄忌抵巇欲進復却浩然賦歸

志存靜樂燕閒篇什平窺少陵氣吞韓柳碑版嗣興傳  
心之要弘智親承直截了悟略去葛藤蕭然晚歲如在  
家僧某雖生晚承誨弱歲忽聞垂車失聲涕墜了立索  
居欲去不可亟馳一介問安寢門力疾荅字溫言如春  
謂此沉痾恐難久存無因見子讀之愴神豈期旬月計  
音來即逆旅負疴鍼艾療疾痛哭銜哀展轉一席山城  
尺雪歸卧蓬蓽家僮走陸往奠芬苾重江複嶺書到何  
日欲寫哀誠涕濡紙筆何嗟及矣慈訓永失